

ւորապէս Անիի և շրջակայքի եկեղեցիները նկարները, թէև մենք չիմացանք թէ ինչ ծրագրով են ի միասին հաւաքուած: Նկարները երեսին բարակ թուղթ է կպցրած և նրա վրայ հայերէն, ռուսերէն և ֆրանսերէն գրուած է նկարի անունը, մինչ մեր կարծիքով յարատեւութեան համար լաւ կլինէր բուն նկարի տակը տպել այդպիսի մակագրութիւնները, որպէս զի այդ թերթը պատռուելիս պատկերի անունը անյիշատակ չմնայ: Պ. Գնունու փորձը շատ յաջող կարելի է համարել, մինչև այսօր մենք չունինք մեր բաղմամբիւ հնութիւնների գնի կողմից գիւրամատչելի և գեղեցիկ հրատարակութիւնները, նոր ձեռնարկութիւնը խոստանում է երկու կողմից էլ մեզ միանգամայն բաւականացնել: Սրտանց ցանկանում ենք, որ Պ. Գնունու սկսուածքը յաջողութիւն գտնի, մանաւանդ եթէ նա կարողանայ իւր գործի մէջ որոշ պատմական—հնագիտական ծրագիր մտցնել:

Մեսրոպ վարդապետ.

## ԱՅԼ ԵՒ ԱՅԼՔ

Բուսական քաղաւորութեան հսկաները.—Եւրոպայի դարաւոր կաղնիներն ու լօբիները թէպէտ պատկառելի մեծութիւն և ծաւալ ունին, սակայն համեմատած Հիւսիսային Ամերիկայի անտառներում աճող ծառերի հետ շատ և շատ փոքր են երևում: Ընդհանրապէս Ամերիկայում բուսական թագաւորութեան տեսակներն արտասովոր զարգացման են հասել և դրա պատճառն այս աշխարհամասի հողի առանձին յատկութիւններն են: Յայտնի է, որ քաղաքակրթութիւնը Եւրոպայում անհամեմատ շուտ է սկսուել, քան Հիւսիսային Ամերիկայում. ներկայումս Եւրոպայում բոլոր մշակելի հողերը հերկոււմ են, ինչպէս և առաջ, հին պատմական ժամանակներում: Այսպիսով հազարաւոր տարիների ընթացքում վարուցանքի շնորհիւ Եւրոպայի հողը սերնդաւոր նիւթերից զրկուել է, հետեապէս և պտղաբերութիւնը



պակտուել: Բոլորովին տարբեր պայմաններէ մէջ է գտնուած Ամերիկայի հողի մեծ մասը. այստեղ համեմատաբար դեռ նոր են տեսել երկրագործութեամբ պտրտուել, երկիր մշակել, այնպէս որ հողի անդարար հիւթերն անարատութեամբ մնում են և առատ կերակուր մատակարարում իրանց վրայ աճող բոյսերին. ամերիկի խոշոր, անդարար և զարգացած են, քան նրանց համապատասխան տեսակներն Եւրոպայում:

Արդէն վաղուց յայտնի է Հիւսիսային Ամերիկայի անտառների հսկայական ծառերի մեծութիւնը. զբօսնելով այս վիթխարի ծառերի ստուերներում, մարդ տկամայեց յիշում է մեր երկրի զարգացման վաղուց անցած շրջանները, երբ այս տեսակ հոկաները բուսական աշխարհի սովորական ներկայացուցիչներ էին: Գաղափար կազմելու համար այս մեծամեծ ծառերի մասին, օրինակ ենք ընդունում վերջերս Վալիֆորնիայում գտած մի ծառ, որի բարձրութիւնը մօտ 70 սաժենի է հասնում, իսկ արամագիծը 7 սաժեն է. բունի շրջապատը գետնի մօտ 18 սաժեն է, իսկ մի սաժեն բարձրութեան վերայ 14 սաժեն: Այս ծառի ամենացած ճիւղը գետնից 38 սաժեն բարձրութեան վրայ է գտնուում, այնպէս որ նրա տակը նիւ-Եօրքի քոսնյարիւնի շիւթիւններից որ և է մէկը ազատ կտեղաւորուէր: Մինչև անդամ նդիպտոսի ամենաբարձր բուրդը մի քանի սաժենով նրանից ցածր է: Նրիտանոսարդ որսորդուհին, միտս Գուէկանը, որ առաջինը գտաւ այս հսկայական ծառը Վալիֆորնիայի անտառների խորքում, նրա անունը դրեց Մաթուոսդայ, թէպէտ անհասկած Աստուածաշնչի Մաթուոսդան տարիքով այս ծառից շատ և շատ փոքր է եղել: Ներկայումս «Մաթուոսդան» մեղ յայտնի ծառերից ամենաբարձրն է: Վալիֆորնիայի մնացած հսկայական ծառերից յիշենք և Վիսքոն ծառը, որի խոռոչի մըջով կտոքերն ազատ անց ու դարձ են անում. կայ և Հելքուէկս ծառը, որ 5 սաժեն արամագիծ ունի. սրա փշտիւմ մի խանութ է շինուած և երկու ոեւեակ: Շատ հոյակապ տեսարան է ներկայացնում ութն եղանիւնների խումբը, որոնցից իւրաքանչիւր 35 սաժեն բարձրութիւն ունի. այս ծառերը կարգով իրար մօտ աճել են և բնակիչներից կոչուել «ութ քւյրեր», այս բոյրերից ամէն մէկը 2 սաժեն շրջապատ ունի:

Մի քանի ժամանակ առաջ նիւ-Եօրքի բնա-պատմական թաղարանը ստացաւ մի ծառի կոճղ: Այն ծառը, որից այս կոճղը կտրել էին, աճում էր հարաւային Վալիֆորնիայում, բոլոր հսկայական ծառերի հայրենիքում. նրա բարձրութիւնը 46



առժեռ է, իսկ շրջապատը՝ 15 սաժեն: Այս ծառի գլանակաձև կոճղը, որ Թանգարան բերուեց, ունի  $1\frac{1}{2}$  տնաչափ հաստութիւն և 5 սաժեն տրամագիծ. զարմանալի չէ ուրեմն, որ կոճղի ծանրութիւնը 3000 ժուլից աւելի է: Կոճղի երեսները գեղեցիկ կերպով հարթած ու մաքրուած են, այնպէս որ նրանց վրայ պարզութեամբ երևում են բազմաթիւ տարիների շերտեր, որ ինկատի ունենալով կարելի է ծառի ամբողջ պատմութիւնը կազմել: Իւրաքանչիւր հարիւրերորդ տարու շերտից յետոյ մի սպիտակ տախտակ է կպցրած, այնպէս որ քաւական է միայն այդ տախտակները համարել և կիմացուի, թէ ծառը քանի դար է ապրել կամ իւրաքանչիւր հարիւրամեակում ծառը ինչքան էր հաստանում: Ծառի կոճղը 1341 շերտ ունի, առել է թէ այդքան տարեկան է, որովհետեւ իւրաքանչիւր տարի մի շերտ է աւելանում. ուրեմն նա «ծնուած» պիտի լինի վեցերորդ դարու կէսերին և վկայ է եղել միջին և նոր դարերի պատմութեան: Թանգարանի կառավարիչը շատ սրամիտ կերպով օգտուեց այս հանդամանքից և նկարեց մարդկային պատմութեան ընթացքի կարճ և պատկերաւոր տեսութիւն. սրա համար կպցրած տախտակներից իւրաքանչիւրի վրայ գրուած են համապատասխան դարում կոտարուած նշանաւոր եղելութիւնները: Երկտասարդ հառակում ծառը ժամանակակից է եղել Մահմեդին. Խաչակրաց արշաւանքների ժամանակ նա արդէն մօտ 5 դար ապրած է եղել, իսկ իւր հայրենիքը՝ Ամերիկայի դիւտի ժամանակ այդ ծառը հազար տարեկան պատկառելի հասակ ունէր՝ աւելի քան 2 սաժեն տրամագծով: Մի խօսքով՝ ուշադրութեամբ զննելով այս հետաքրքիր կոճղը, մի քանի բոպէի մէջ ժամանակագրական կարգով կարելի է հետեւել վերջին 13 $\frac{1}{2}$  դարերում կատարուած եղելութիւնների ամբողջ ընթացքին՝ պատերազմներին, յեղափոխութիւններին, գեղարուեստի յաջողութիւններին, աւելնիկական և գիտական գիւտերին և նուաճումներին:

Շահադիտական տեսակէտիցն էլ այս ծառը անգնահատելի քանձ է. հաշուած է, որ եթէ նրա բունից հեռագրական սիւներ պատրաստեն, զրանք կբաւականանան 250,000 վերստ երկարութիւն ունեցող գծի համար: Հեռագրական այսպիսի գծով երկագունտո հասարակածի ուղղութեամբ 7 անգամ կարելի է փաթաթել:

Աւխարհիս ամենաբարձր մարդը. — Թէոֆոր Մախով անունով մի ռուս երկտասարդ համարում է այժմ ամենաերկար մարդը:



որ նորերս Բերլին էր գնացել հասարակութեան առաջ ելնելու համար: Բերլինի մարդաբանական թանգարանում Մախովին չափեցին, կշռեցին և բազմակողմանի չնութեան ենթարկեցին: Լուշան պրոֆեսորը հետեւեալ վկայականը տուեց նորան. «Ռուսաստանցի Թէոդոր Մախովը 238 տանտիմետր բարձութիւն ունի (1 սաժեն, 10 մատնաչափ) և երբ և իցէ երկրադնտի վրայ ապրած ամենաբարձր հսկաներից մէկն է: Նա համարեա ամբողջ գլխով մեծ է ինձ յայտնի ժամանակակից հսկաներից և շատ բաներում գիտութեան համար մեծ հետաքրքրութիւն է ներկայացնում»:

Եւ իրօք, մինչև օրս Եւրոպայում երեցած բոլոր հսկաները 12—15 սանտիմետրով Մախովից փոքր են եղել: Մախովի նախնիքը շատ առաջ Ասորիքից գաղթել են Ռուսաստան. նրա ծնողներն, ինչպէս և երկու քոյրերը, ռոմսական կանոնաւոր հասակ ունին. բայց նրա պապը բարձրահասակ էր, թէև հսկայ չէր, և նորա ցեղի մէջ հաշոււմ են շատ բարձրահասակ մարդիկ, որոնցից մի քանիսը հսկայ կարող էին կոչուել: Թէոդոր Մախովը հիմա 22 տարեկան է: Մի գաղափար տալու համար նրա մարմնի մեծութեան մասին, բաւական է նկատել, որ նրա հագած կոշիկը սովորական մարդու կրծքին է հասնում, այն ինչ Մախովի հաղիւ մինչև ծնկերն է հասնում, իսկ մի 12 տարեկան երեխայ ամբողջովին կտեղաւորուի մէջը: Նա այնքան ծանր է, որ սովորական մահճակալները անկարող են նրա ծանրութեանը դիմանալ: Մախովին ման ածողը տարեկան 5000 ռուբլի է տալիս նրան և ամէն ըան պատրաստ: Միայն այս ահագին վարձատրութեամբ կարելի եղաւ համոզել նրան հասարակութեանը երևալու, որովհետև նա կրթութեամբ մարդ է և միևնոյն ժամանակ ապահովուած, այնպէս որ երկար ժամանակ հրաժարուում էր այդ պատուից:

Զառամեալ կրեայ. — Ներկայումս Բոստոնում (Ամերիկա) պահում են մի կրեայ, որ 400 տարեկան է և, ինչպէս հաստատոււմ են կենդանաբանները, դեռ ևս կատարելապէս չի ծերացել ու կարող է էլի երկար ապրել: Այս հինաւորը, Կոլումբոսի ժամանակակից՝ կրիան հիմա պատկանում է Վալտեր Բօշլիզին, որ 3000 ռուբլիով գնել է: Նրան Բոստոն տանելիս ձեռք էին առնուած բոլոր նախադրուշական միջոցները: Առանձին մարդատար զնացք էր վարձուած յատկապէս նրան տեղափոխելու համար. գնացքի մէջ բարեխառնութիւնը երբէք 28 աստիճանից չէր իջնում: